

Sianiara Sibebeani Ong-ama?



Amazing Facts
Poraiani

10



Sianiara da-ororo ma-sisretbatsranggiparangoni mingsa ong-naba donga. Bang-anan, sianiara uani gimin on-titisan ma-siaiani aro kenaniko ra-baani, namedake ma-sigijani, aro ka-donggijani ong-a. Uamangni sianggipa ka-sagiparang sija, indiba uni palo uamang baksa ba gipin a-songo dongenga ine mitamrang bebera-a. Bimang, gisik, aro janggini nangrimani bidingo million manderang jajaa. Indiba maiko na-a bebera-a uan nangchongmotbegipa ong-ama? Oe—ong-chongmota! Jekon na-a siani gimin bebera-achim, mikkangchi nang-na mai ong-genchim uano ua dal-bee bak nangegen. Chanchichipani uano chol dongja! Sastroo maiko iani gimin aganachim, ia Poraiani an nang-na apsankon mesokgen. Bebeni mikronko ona taribo!

1

Ianona maikai mandeara skanggipa sokbachengaha?

“Jihova Isol a-ani a-dimuko mande dakaha, aro ua baljanggiko uni gingkolo spoataha; unon ua mande janggi gnanggipa ong-aha” (Abachenga 2:7).

Aganchakani: A-bachengo Isol an-chingko a-ani a-dimuoniko ong-ataha.



Adam,
a-bachengo
Isolchi
ong-atako
man-aha.

2

Mande siahaon mai ong-a?

"Aro a-dimu skang gitan a-aona pil-angkujana, aro janggi an-tangko on-gipa Isolna pil-angkujana kingking [gisik ra-bo]." (Aganprakgipa 12:7).

Aganchakani: Be-en bimang a-dimuona pil-angtaia, aro gisik/janggi Isolona pil-angtaia, jean uko On-achim. Sianggipa mande sakantini gisik – jokoba jokjaoba – siahaon Isolona pil-angtaia.

3

Siahaon Isolona pil-angtaigipa "gisikara" maia?

"Maina maikai be-en gisik gri sia ong-a"

(Jakob 2:26). "Aro Isolni gisik angni gingkolrango dongenga" (Job 27:3).

Aganchakani: Siahaon Isolona pil-anggipa gisikara baljanggi ong-a. Mande simano uni "gisiko" janggi tangani, u-iani, ba chanchiani gnan ine Isolni pilak kattarangon agana dongja. lan "baljanggisa" aro mamungba ong-ja.

4

"Janggiara" maia?

"Jihova Isol a-ani a-dimuko mande dakaha, aro ua baljanggiko uni gingkolo spoataha; unon ua mande janggi gnanggipa ong-aha"

(Abachenga 2:7).

Aganchakani: Janggiara janggi tanganian ong-a. Janggiara pangnan minggnichi nangdimako man-gimin ong-a: be-en bimang + rang-sitani. Be-en bimang aro rang-sitani nangdimjaskalde janggi ong-na gita man-ja. An-chingan janggi ong-a inesa Isolni Katta skia – an-chingo janggi donga ine ong-ja.

*la sakbri
manderangan sakbri
janggirang ong-a.*



5

Janggijara siama?

“Papko dakgipa mande uan sigen”
(Ezekiel 18:20). “Sagaloni pilak janggi
tanggiarang siaha” (Parape-a 16:3).

Aganchakani: Isolni Kattaoni gita janggirang sia! An-chingan janggirang ong-a, aro janggirang sia. Mandeara signigipa ong-a (Job 4:17). Isolsan mangmang sigijagipa ong-a (1 Timothy 6:15, 16). Sastroo, sigijani bidingo aganani gimin, jringna sigijagipa janggini gimin agananiko nikna gita man-ja, jeon janggirangara signigiparang ong-a inesa skia.

6

Jokgiminrangara siahaon salgichina re-angama?

“Gopramrango donggipa darangan Uni ku-rangko knagen ... aro ... ong-katgen”
(Johan 5:28, 29). “Ua siaha aro uko gopaha, aro gopani da-alona kingking an-chingni gisepon gnang ine anga kenchakmangija atchu gitcam Daudni giminde na-simangna aganna ama ... Maina Daud salgiona gakatjaha” (Watatarang 2:29, 34). “Angni a-ningo dongramna anga sengsoa” (Job 17:13).

Aganchakani: Re-angja. Siahaon manderang salgiona ba norokonaba re-angja. Uamang darangchiba re-angja – indiba uamangni gopramrangon chakatpilna uamang senge donga.

Be-en Bimang
(A-dimu)

– Rang-sitani
(Gisik)

= Sia
(Janggi
dongjaha)

*Daud raja Isolni songnoko
ong-gen, indiba da-alo ua uni
gopramonkua ine Sastro agana,
jeon ua chakatpilna senge
dongenga.*

7

Siani ja-mano mandeara baditana ma-siani ba gisikni u-iani donga?



“Maina uamang sigen ine tangengiparang u-ia; indiba sigiminrang mamungkoba u-ija, aro uamangni mamung man-pilskaani dongjaha; maina uamangko gisik ra-aniko gualaha. Aro uamangni mitchia, aro uamangni mikbua gita uamangni ka-saaba gimasomanaha; aro salni kokkimaog dakgimin mamungoba uamang jringjrotna mamung bakko man-jaha ... maina nang-ni re-gni a-ningo kam, ba chanchisoani, ba u-iani, ba gisik gnangani dongjaha” (Aganpravgipa 9:5, 6, 10). “Sigiminrang Jahko mitelja” (Gitrang 115:17).

Aganchakani: Sigiminrang mamungkoba u-israngjaha ine Isol agana!

8

Indiba sigiminrang tangengiparang baksa agangrikna man-jama, aro tangengiparang maiko dakengachim uarangko uamang ma-sijama?

“Mande tua, aro chakatjawa; salgirang dongjia ong-anona kingking uamang mikrakjawa. Aro uamangni tusiaoni de-mesaako man-jawa ... Uni depanterang mandera-ako man-oa ua uko u-ija; aro uamangko onata, indiba ua uamangna gisik on-ja” (Job 14:12, 21). “Aro salni kokkimaog dakgimin mamungoba uamang jringjrotna mamung bakko man-jaha” (Aganpravgipa 9:6).

Aganchakani: Man-ja aro ma-sija. Sigiminrang, tangengiparang baksa agangrikna man-ja, aro tangengiparang maiko dakeng uko uamang u-ija. Uamang sigiminrang ong-a. Uamangni chanchianirang gimaaha (Gitrang 146:4).



Sigiminrang tangengiparang baksa agangrikna man-jaoba, million manderang man-a ine chanchia.



9

Johan 11:11-14 o, Jisu mamungkoba ma-sigija sianiko “tusia” ine agana. Uamang badita ru-ute tusigen?

“Mande tua, aro chakatjawa; salgirang dongija ong-anona kingking uamang mikrakjawa.” (Job 14:12). “Gitelni sal ... re-bagen; unon salgirang il-ilari bon-anggen” (2 Pitor 3:10).

Aganchakani: Sigiminrang Isolni dal-gipa sal, a-gilsakni chon-kamaona kingking tusigen. Siahaon manderang mamung kamrang ba pilak u-iani gri ong-e mamungkoba ma-sigija ong-aha.

10

Kristoni gnigipa changna re-bapilanio toromi ong-e sianggiparangnara mai ong-gen?



“Nibo, anga bakkak re-baa; aro uamangni kam ong-a gita, sakantina on-na ine angni on-gni dormaha Ang baksan” (Parape-a 22:12). “Maina Gitel An-tangan, inchroa ...

gnang, salgioni ong-onbagen; unon Kristoo sigiparang skang chakatgen ... Uandake an-ching pangnan Gitel baksa ong-gen” (1 Thessalonikarangna 4:16, 17).

“Dikdiksano, mikjipsao ... an-ching pilakan dingtang dakako man-gen; aro sigiminrang gimagijani ong-e chakatatako man-gen ... Maina gimagnigipa gimagijaniko ganna, aro ia sigini sigijaniko ganna nanggen.” (1 Korinthirangna 15:51-53).

Aganchakani: Uamangna on-gni dormahako on-gen. Uamang chakatpilgen, jringna sigijagipa bimangko uamangna on-gen, aro bangbango Gitelko grongna rimdoako man-gen. Siahaon manderangko salgichina rimdoangahaode chakatatpilanio mamung miksonganian dongjawahachim.



11

Satanni a-gilsako skanggipa tol-aniara maia?

“Unon chipu me-chikko inaha, Sichongmotjawa” (Abachenga 3:4). “Gitchamgipa chipu, diabol aro Satan minggipa” (Parape-a 12:9).

Aganchakani: Na-a sijawa.

12

Maina diabolara siani bidingo Hobana tol-aha? Siani bidingo, an-chingni chanchiana bate nangchongmotani dongama?

Aganchakani: An-ching sijawa ine diabolni tol-napanian uni skiarangni ja-pangrangoni mingsa ong-a. Hajal bilsirangna, manderango chalakki dake togina, sigiminrangni gisikni kattako uamang man-soenga ine chanchiatna gita ua bilakgipa, tol-napani aiao inmangipa kamrangko ka-aha. (Mesokna gita: Egypt a-songni montol dakgiparang – **Reongkata 7:11** Endorni me-chikma – **1 Samuel 28:3-25**; Jarigiparang – **Daniel 2:2**; Nokkol me-chik bi-sa saksa – **Watatarang 16:16-18**).

Gisiko Nangbee Mikrakatani

Mikkangchi ru-utgijan, a-gilsakko tol-napna ine Satan, montol dakgipa aro jarigiparangko jakkaltaigen – jedake katchinikgipa Danielni salrango ua dakaha (**Parape-a 18:23**). Montol dakgipa ba jarigipara sigiminrangni gisikni bil aro u-ianiko man-gipa ine a-kange, ong-gijagipa aiao inmangipa kamrangko ka-timgipa ong-a.

Jisuni Sninggiparang gita Dakjegiparang

Ka-sagipa sianggimin toromirang gita, sianggimin rongtalgipa kamalrang gita, Sastroni katchinikgiparang gita, ba Kristoni watatarang gitamangba dakjee (**2 Korinthisrangna 11:13**), Satan aro uni sa-grerang billion manderango tol-napgen. Jemangan sigiminrangko tangenga ine bebera-achim, uamangko jedakgipa bimangoba, tol-napna gita man-gen.



13

Diabolara aiao inmangipa kamrangko dakbebeama?

"Maina uarangan chinrangko dakgipa korerangni gisikrang ong-a" (Parape-a 16:14).

"Maina Kristo dakgiparang aro katchinika dakgiparang ong-kate dal-a chinrang aro aiao inmananirangko mesokgen; maikai, ong-na man-ode, segiminrangkoba brangatgen" (Mati 24:24).

Aganchakani: Oe, dakchongmota! Diabol aiao inmanpile bebera-atna man-gipa aiao inmangipa kamrangko daka (Parape-a 13:13, 14). Satan seng-ani sa-gre gita bimang dakjegen (2 Koronthirangna 11:14) aro, jagokman-pilanide, Kristo gita chachaba ua dakjegen (Mati 24:23, 24). Kristo aro Uni sa-grerang namen ga-sue a-gimiko nampilatani kamko dakdilenga ine a-gilsak gimikni bebera-ani ong-gen. Uamangni daka pilak kamrangko Isoloni gita chacha aro namen chanchisokna ampilgijani gita chacha nikmanpil-gen je Isolni seokgiminrang mangmangsan tol-napanio ga-akjawa.


*Aiao inmangipa kamrang
pilakande Isoloni ong-ja,
maina diabolba aiao
inmangipa kamrangko ka-a.*

14

Maina Isolni manderangara tol-napanio ga-akjawa?

“Iamang kattako namnikbee ra-chake, indaken ong-ama ong-ja salanti Sastrooniko am-e nie chanchiachim” (Watatarang 17:11). “Niam aro sakkichina hai! la katta gita uamang aganjaode, beben uamangna mamung seng-baa dongja.” (Isaia 8:20).

Aganchakani: Sigiminrangde sigiminrangan ong-a, uamang tangjaha ine Uni Ki-tapko uamangni poraigiminoniko Isolni manderangde u-igen. Ka-sagipa sigimin gita dakjegipa “gisikara” diabol ong-chongmota ine uamang ma-sigen! Sigiminni gisikrang baksa bakrime dingtangmanchagipa “seng-aniko” man-gipa ba aiao inmangipa kamrangko dakgipa ine a-kanggipa pilak skigiparangko aro aiao inmangipa kamrangko ka-giparangko Isolni manderangde jegalgen. Aro Isolni manderang uandaken sigiminrang dingtang gipin bimango, badiaba biapo janggi tangskaenga ingipako namen kenbegnigipa aro tol-gipa pilak skianirang ine jegalgen.



15

Moseni salrango, sigiminrang janggi tangkua ine skigipa manderangko maiko dakchina Isol ge-etaha?

“Me-mang muni pigipa, ba montol dakgipa, me-asa ba me-chik so-otako man-chongmotchina; uamangko uamang ro-ongrangchi gotatchina” (Levirangni 20:27).

Aganchakani: Me-mang muni pigipa aro “montol dakgipa” ko (jean sigiminrang baksa agangrikna man-a ine a-kangachim) ro-ongrangchi gotate siatchina Isol dabiaha. Sigiminrangni janggirang tangkua ine tol-e skianiko Isol mitchia ine ian mesoka.





16

Chakatatpilani somoio chakatpilgipa toromirangara basakoba sipilgenma?

“Ua jringjrotni salko, aro siaoni tangchapilako man-na kragipa ... maina uamang sinaba amjawaha; maina uamang sa-grerang gita ong-a; aro tangchapilani de onge Isolni de ong-a” (Luk 20:35, 36). “Aro ua uamangni mikrononi pilak mikchiko u-sitgen; aro siani ong-jawaha aro kalimani, aro chrikani, aro saknani ong-jawaha. Skango ong-giparang re-angaha” (Parape-a 21:4).

Aganchakani: Sijawaha! Siani, duk ong-ani, grapani, aro saknaani Isolni gital songnokona napjawa. “Indiba jensalo ia gimagnigipa gimagijaniko gangen, aro ia signi sigijaniko gangen, unon ia segimin katta ong-gen, chong-motan, Amao siako minokaha” (1 Korinthirangna 15:54).



17

Siani ja-mano gipin bimango atchitaia ine bebera-ani da-o giporoengaha. la skianiara Sastroni gita ong-ama?

“Maina uamang sigen ine tangenggiparang u-ia; indiba sigiminrang mamungkoba u-ija. ... Aro salni kokkimaog dakgimin mamungkoba uamang jringjrotna mamung bakko man-jaha” (Aganprakgipa 9:5, 6).

Aganchakani: A-gilsako donggipa manderangoni bak gittam chu-gimikde siani ja-amano gipin bimango atchitaia ine bebera-a – jeni skianian janggide pangnaba sija indiba sakantini chu-sokani gita dingtang bimango atchitaia ine ong-a. la skianide, indioba, Sastro baksa bikpilgipa ong-a.



Sastro Indake Agana

Siani ja-mano mandeara: a-dimuona pil-anga (Gitrang 104:29), mamungkoba ma-sijaha (Aganprakgipa 9:5), chanchiani bilrang dongjaha (Gitrang 146:4), a-gilsako mamung kamkoba dakani bak dongjaha (Aganprakgipa 9:6), janggi tangjaha (2 Rajarang 20:1), gopram ning-o sengenga (Job 17:13), aro dongkamjaha (Job 14:1, 2).

Satanni Bikotani

Sigiminrangni janggi tangkuenga ine skianiko Satan bikotdilaha ine an-ching ma-simanaha. Siani ja-mano gipin bimang atchitaia ine bebera-ani, sigiminrangko okamani, sigiminrang baksa agangrikani, sigiminrangko olakkiani, aro janggide sija ine aganritingbagipa bebera-ani, iarang pilakan mingsa miksonganio, Satanni bikotgiparang ong-a, chong-motan, jensalo na-a siahaon simanchaade ong-ja ine manderangni gisikko bebera-atna gita ong-a. Jensalo manderang sigiminrangni janggirang tangkuenga ine bebera-ahaon, Satan “korerangni gisikrangko, aiao inmangipa kamrangko” (Parape-a 16:14) uamangko bilakbee tol-napna aro brangatna jakkalna man-gnok (Mati 24:24).

18

la jajaanian gapgipa siani bidingo an-chingna bebeko agangipa, Sastrona na-a mitelanian gapengama?

Nang-ni Aganchakani:



Nang·ni Sing·anirangna Aganchakaha

1. Chisol sakni saksa dokprete ra-gipa mandeara Kristo baksa Uni siani salo salgini songnokona re-angjama?

Aganchakani: Re-angja. Bebe agangenchimode, Robibar pringo Jisu, Maryna indakde aganaha, “Anga Angni Pagipaona doanguja” (**Johan 20:17**). Siani somoio Kristo salgichina dongja ine ian mesoka. Iako ma-sie ra-na nangchongmotani ong-a je seanio chinrangko jakkalniko da-alo an-chingni Sastroo nikenggipara a-bachengoni ong-ja, indiba adita chasongrangni ja-mano Sastroko pe-giparangchi dondapatani man-aha. Namedakede, **Luk 23:43** o donggipa comma-ko “da-alon” ingipa kattana skang donani palo ja-manosa donna gita nangachim, jekon indakesa poraigenchim, “Anga beben nang-na agana da-alon, na-a Ang baksa namgipa biapo dongpagen.” la podko nambate ma-sibatna gita gipin dake donatskagenchimode, indake ong-gen: “Anga nang-na da-alon aganenga, – jensalo darangkoba jokatna man-ja gita Angko nikengon, jensalo Anga An-tangan dosiko dakgipa gita sichakengon – Anga nang-na da-alon ka-donganiko on-a je na-a Ang baksa namgipa biapo dongpagen.” Kristoni rasongni songnokko Uni ngigipa changna re-bapilaniosa songdimgen (**Mati 25:31**), aro ua somoiosa pilak rongtalgiparangan uanona napegen (**1 Thessalonikarangna 4:15-17**), siani somoio ong-ja.

2. “Sigijagipa,” “jringjrotna tanggipa” (immortal) janggini gimin Sastro aganjama?

Aganchakani: Aganja. Sigijagipa, jringjrotna tanggipa jangini gimin Sastroo janapani dongja. “Jringjrot” (immortal) ingipa kattako Sastroo changsasan nikna man-aia, aro uan Isolkosa miksonga (**1 Timothy 1:17**).

3. Sianio be-en bimang a-dimuona pil-angtaia aro gisik (ba rang-sitani) Isolona pil-angtaia. Indiba janggiara bachi re-angskara?

Aganchakani: Ua darangonaba re-angja. Uni palo, ua dongjaha. Janggi ong-na gita minggnini nangdimaniko nanga: be-en bimang aro rang-sitani. Jensalo rang-sitani re-angahaon, janggi dongjaha maina ua minggnini nangdimanichisa ong-aha. Jensalo na-a lightko off ka-aton, ua teng-aniara bachi re-anga? Ua darangchiba re-angja. Ua dongjaha. Teng-aniko ong-atna minggniko nanga: bulb aro electricityko. Uarang nangdimani gride, teng-aniko ong-atna mang-ja. Uandaken janggioba; be-en bimang aro rang-sitani nangdimjaskal, uano janggi dongna man-ja. “Be-en bimang grigipa janggi” mamungdakeba dongna man-ja.

4. “Janggi” ingipa kattara janggi tanganina agre gipinkoba miksongama?

Aganchakani: Oe. Ua (1) janggimanachako, ba (2) gisik, ba u-ianikoba miksonga. Je ortokoba miksongbo, janggide minggnini nangdimaniko nangtelaia (be-en bimang aro rang-sitani), aro ua siahaode dongjaha.

5. Johan 11:26 ko na-a talatna man-genma: “pilak janggi tange Ango bebera-gipa jringjrotnaba sijawa”?

Aganchakani: Ian skanggipa sianiko miksongja, jeon pilak manderangan sigen (**Ibrirangna 9:27**), indiba ngigipa sianikosa, jeon papirangan mangmang siaigen aro jeonin chakatpilani dongjawaha (**Parape-a 2:11; 21:8**).



6. Mati 10:28 o indake agana, “je manderang be-enko so-ota, indiba janggiko so-otna amja, uamangna da-ken.” lan janggiara sigijagipa ong-a ine sakkiko on-a ong-jama?

Aganchakani: Ong-ja. lan bikpilesa sakkiko on-a. la apsan podni adha bon-kamgipa kattarang janggi sigipa ong-a ine mesoka. Uan indake agana, “indiba be-enkomung janggiko noroko nisina Amgipana kenbo.” Iano “janggi” ingipa kattani ortoara janggi tangani ine ong-a aro jringjrotni janggiko miksonga, jean indin on-gipa ong-a (**Romrangna 6:23**) jekon bon-kaman salo toromirangna on-gen (**Johan 6:54**). Isolni on-gipa ia jringjrotni janggiko darangba ra-sekna man-jawa. (**Luk 12:4, 5 koba nibo**).

7. Nama kattako sigimin manderangna Aganprakgipa ine 1 Pitor 4:6 o aganjama?

Aganchakani: Aganja. Nama kattako “sigiminrangnaba” “Aganprakgipaha” inesa uano agana. Uamang da-o siaha, indiba nama kattako uamangni tangengmitingon “Aganprakgipaha.”

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangaten aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Sigiminni gimin Sastroo indake agana (1)**
Tusia.
Bimang dingtangona pil-anga.
Agansokgijagipa aiao inmanani.
2. **“Gisik” jean siahaon Isolona pil-angtaigipara (1)**
Mandeni ning-oni.
Janggi.
Baljanggi.
3. **Sigimin mande ianona re-anga (1)**
Salgi ba Norokona.
Gopramona.
Janggin Chiripram.
4. **Janggiara (1)**
Mandeni ong-telaigipa gisik.
Mandeni sigijagipa bak.
Janggi tangani.
5. **Janggiara siama? (1)**
Oe, sia. Sija.
6. **Toromirangna basako boksisko on-gen? (1)**
la janggi tangmitingo.
Sijoko.
Kristoni gnigipa changna re-bapilano.
7. **Simgiminrang sija ine agane maina Satanara manderangko tol-napna jotton ka-a? (1)**
Jedakode uamang uni aiao inmangipa kamrangko bebera-e tol-napaniko man-e gimagen.
8. **Mande jean sigiminrang baksa “agangrikigipara” chong-motde uamang baksa agangrikenga (1)**
Sigijagipa janggirang baksa.
Rongtalgipa sa-grerang baksa.
Sigiminrangni bimangko ra-e dakmikgipa namgijagipa gisikrang baksa.
9. **Moseni salrangno jean sigiminrangko tanga ine skigiparangko Isol iako dakchina ge-eta (1)**
Kamal songchina.
Uamangni u-ianiko mandera-china.
So-otchina.
10. **Ua naljokgipa ong-a aro ong-akon dakenga ine mandeara maikai namedake ma-sina gita man-gen? (1)**
Salgioni dintangmanchagipa chinna Isolo bi-bo.
Skigipa ba pamong jeko agana ukon dakbo.
Sastroko bi-a gnang namedake poraie ja-rikbo.
11. **Jensalo mande siahaon (1)**
Uni gisik, ba janggi, tange donga.
Ua tanggiparangko nie dongna aro uamang baksa agangrikna man-a.
Ua pilakni gitan sigimin ong-a – be-en bimang sia, janggi dongjaha, aro tanggiparang baksa agangrikani mamung chol dongjaha.

12. Aiao in mangipa kamrangan, uarang
Isoloni ong-a ine sakkiko on-ama? (1)

Oe. Isol mangmangsan aiao in mangipa
kamrangko dakna man-aia.

Ong-ja. Satanba dal-gipa aiao in mangipa
kamrangko dakna man-a.

13. Anga Sastrona namen mitelna ska,
jean ia namen jajagipa katta ja-pangni
bidingo bebeko agangipa ong-a.

Oe, mitelna ska.

Mitelna sikja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsi :	Misi :		

Nang.ni contact info-ko tik dake on.bo